



13 Setyembre 2026 • IKA-24 NA LINGGO SA KARANIWANG PANAHON
• PAMBANSANG ARAW NG MGA KATEKISTA • TAON A



'TINAWAG UPANG MAGPATAWAD TULAD NG AMA AT NG ANAK'

Ngayon ay ang ika-24 na Linggo sa Karaniwang Panahon. Iniisip ni Pedro na sapat na ang pitong ulit na pagpapatawad, ngunit itinuturo ni Hesus na magpatawad nang walang hanggan—tulad ng pagpapatawad ng Diyos. Hindi lamang itinuro ni Hesus ang dakilang pag-ibig ng Diyos bagkus ay isinabuhay pa Niya sa krus. Sa Banal na Eukaristiya, tinatanggap natin ang biyayang magpatawad tulad ng Diyos. Hindi man natin masuklian ang Kanyang pag-ibig, maipakikita naman natin ito sa pagmamahal at pagpapatawad sa kapwa.



PASIMULA

PAMBUNGAD

(Ipahayag lamang kung walang awiting nakahanda.)

Kapayapaa'y ibigay
sa bayan mong naghihintay
upang iyong patunayang
propeta'y maaasahan.
Dalangin nami'y pakinggan.

(Sirak 36, 15-17)

PAGBATI

P –Pagpalain ang Panginoong Diyos na nagpapatawad sa lahat nating kasalanan. Ang Kanyang biyaya at kapayapaan ay sumainyong lahat.

B –At sumaiyo rin.

PAGSISISI

P –Sa paghahanda natin para sa pagdiriwang ng mga banal na misteryo, alalahanin natin ang ating mga kasalanan at hilingin ang

pagpapatawad ng Panginoon at ang biyayang magpatawad. (Manahimik saglit.)

P –Panginoong Diyos, lagi kang handang magpatawad ng mga nagsisising makasalanan, ngunit malimit naman kaming tumatangging magpatawad sa mga nagkasala sa amin. Panginoon, kaawaan mo kami.

B –Panginoon, kaawaan mo kami.

P –Panginoong Hesus, tinuruan mo si Pedrong magpatawad nang pitumpung ulit ng pito, ngunit nahihirapan naman kaming magpatawad kahit man lang minsan. Kristo, kaawaan mo kami.

B –Kristo, kaawaan mo kami.

P –Panginoong Hesus, pinatawad mo ang mga nagpako sa iyo sa krus, ngunit tumatanggi kaming magpatawad sa kahit bahagyang pagkakasala. Panginoon, kaawaan mo kami.

B –Panginoon, kaawaan mo kami.

P –Kaawaan tayo ng makapangyarihang Diyos, patawarin tayo sa ating mga kasalanan, at patnubayan tayo sa buhay na walang hanggan.

B –Amen.

This issue of Misalette may be downloaded for free anywhere in the world. A "love offering" for the continuation of our apostolate will be appreciated. Please, send your donation to "Word And Life Publications." Our Savings Account is BPI – # 3711-0028-46. Send us an email of a copy of the deposit slip with your name for proper acknowledgment. See contact details on the last page. Thank You!

PAPURI

B – Papuri sa Diyos sa kaitaasan
at sa lupa’y kapayapaan sa mga taong
kinalulugdan niya.
Pinupuri ka namin,
dinarangal ka namin,
sinasamba ka namin,
ipinagbubunyi ka namin,
pinasasalamatan ka namin
dahil sa dakila mong angking kapurihan.
Panginoong Diyos, Hari ng langit,
Diyos Amang makapangyarihan sa lahat.
Panginoong Hesukristo, Bugtong na Anak,
Panginoong Diyos, Kordero ng Diyos, Anak ng
Ama.

Ikaw na nag-aalis ng mga kasalanan ng
sanlibutan, maawa ka sa amin.
Ikaw na nag-aalis ng mga kasalanan ng
sanlibutan, tanggapin mo ang aming kahilingan.
Ikaw na naluluklok sa kanan ng Ama,
maawa ka sa amin.
Sapagkat ikaw lamang ang banal,
ikaw lamang ang Panginoon,
ikaw lamang, O Hesukristo, ang Kataas-taasan,
kasama ng Espiritu Santo
sa kadakilaan ng Diyos Ama.

PANALANGING PAMBUNGAD

P –Ama naming makapangyarihan,
ikaw ang Lumikha at Tagapamahala ng tanang
umiiral.
Tunghayan mo kami upang ang iyong awa ay
aming maranasan
at ipagkaloob mong ikaw ay aming wagas na
mapaglingkuran
sa pamamagitan ni Hesukristo
kasama ng Espiritu Santo
magpasawalang hanggan.

B –Amen.

PAGPAPAHAYAG NG SALITA NG DIYOS

Unang Pagbasa

Sirak 27, 30–28, 7

Pagbasa mula sa Aklat ni Propeta Sirac

Ang poot at pagngingitngit ay dapat
ding kamuhian;

ngunit sa makasalanan, iyan ay
pangkaraniwan.

Natatandaan ng Panginoon ang kasalanan
ng bawat tao,
at ang mapaghiganti ay paghihigantihan
din niya.

Patawarin mo ang kapwa sa kanyang
pagkukulang,
at pag ikaw ay dumalangin sa Diyos,
patatawarin ka rin naman.
Ang nagtatanim ng galit laban
sa kapwa,
pag tumawag sa Panginoon, walang
kakamtang awa.
Kung hindi ka nahahabag sa iyong
kapwa,
paano mong ihihingi ng tawad ang
iyong kasalanan?
Kung ikaw na tao lamang, ay
nagkikimkim ng galit,
sinong magpapatawad sa iyo sa mga
kasalanan mo?
Alalahanin mo ang iyong wakas at
pawiin mo ang iyong galit.
Isipin mo ang kamatayan at sundin
mo ang Kautusan.
Dili-dilihin mo ang Kautusan at huwag
kang magalit sa kapwa;
alalahanin mo ang Tipan ng Kataas-taasan
at matuto kang magpatawad.

Ito ang Salita ng Diyos.

B – Salamat sa Diyos.

Salmong Tugunan Sal 102, 1-2. 3-4. 9-10. 11-12

B –Ang ating mahabaging D’yos
ay nagmamagandang-loob.

R. M. Velez



Ang a-ting ma-ha-ba-ging D'yos



ay nagma-ma-gan-dang lo- ob!

- * Panginoo’y papurihan, purihin mo,
kaluluwa,
ang pangalan niyang banal purihin mo sa
tuwina.
Ikaw, aking kaluluwa, ang Diyos
ay papurihan,
at huwag mong lilimutin yaong kanyang
kabutihan. **B.**
- * Ang lahat kong kasalana’y siya ang
nagpapatawad,
at anumang aking sakit, ginagamot niyang
lahat.
Sa bingit ng kamatayan ako ay inililigtas,
at pinagpapala ako sa pag-ibig niya’t habag.
B.

- * Banayad nga kung magalit, hindi siya nagtatanim;
yaong taglay niyang galit, hindi niya kinikimkim,
kung siya ay magparusa, di katumbas ng pagsuway,
di na tayo sinisingil sa nagawang kasalanan. **B.**
- * Ang agwat ng lupa't langit, sukatin ma'y hindi kaya,
gayon ang pag-ibig ng Diyos, sa may takot sa kanya.
Ang silangan at kanluran, kung gaano ang distansya,
gayung-gayon ang pagtingin sa sinumang nagkasala. **B.**

Ikalawang Pagbasa

Ro 14, 7-9

Pagbasa mula sa Sulat ni Apostol San Pablo sa mga taga-Roma

Mga kapatid: Walang sinuman sa atin ang nabubuhay o namamatay sa kanyang sarili lamang. Kung tayo'y nabubuhay, nabubuhay tayo para sa Panginoon, at kung tayo'y namamatay, namamatay tayo para sa Panginoon. Kaya nga, sa mabuhay o sa mamatay, tayo'y sa Panginoon. Sapagkat si Kristo ay namatay at muling nabuhay upang maging Panginoon ng mga patay at mga buhay.

Ito ang Salita ng Diyos.

B – Salamat sa Diyos.

Aleluya

Jn 13, 34

B – Aleluya! Aleluya!
Bagong utos, ani Kristo,
mag-ibigan sana kayo
katulad ng pag-ibig ko.
Aleluya! Aleluya!

Mabuting Balita

Mt 18, 21-35

P – Sumainyo ang Panginoon.

B – At sumaiyo rin.

P – Ang Mabuting Balita ng Panginoon ayon kay San Mateo

B – Papuri sa iyo, Panginoon.

Noong panahong iyon, lumapit si Pedro kay Hesus at nagtanong sa kanya, “Panginoon, makailan kong patatawarin ang aking kapatid na paulit-ulit na nagkakasala sa akin? Makapito po ba?” Sinagot siya ni Hesus, “Hindi ko sinasabing makapito, kundi pitumpung ulit pa nito.

Sapagkat ang paghahari ng Diyos ay katulad nito: ipinasiya ng isang hari na pagbayarin ang kanyang mga lingkod na may utang sa kanya. Unang dinala sa kanya ang may utang na sampung milyong piso. Dahil sa siya'y walang ibayad, iniutos ng hari na ipagbili siya, ang kanyang asawa, mga anak, at lahat ng ari-arian, upang makabayad. Nanikluhod ang taong ito sa harapan ng hari at nagmakaawa: ‘Bigyan pa ninyo ako ng panahon, at babayaran ko sa inyo ang lahat.’ Naawa sa kanya ang hari kaya ipinatawad ang kanyang mga utang at pinayaon siya.

Ngunit pagkaalis niya roon ay nakatagpo niya ang isa sa kanyang kapwa lingkod na may utang na limandaang piso sa kanya. Sinunggaban niya ito at sinakal, sabay wika: ‘Magbayad ka sa utang mo!’ Naglumuhod iyon at nagmakaawa sa kanya: ‘Bigyan mo pa ako ng panahon at babayaran kita.’ Ngunit hindi siya pumayag; sa halip ipinabilanggo niya ang kanyang kapwa lingkod hanggang sa ito'y makabayad. Nang makita ng kanyang mga kapwa lingkod ang nangyari, sila'y labis na nagdamdam; pumunta sila sa hari at isinumbong ang nangyari. Kaya't ipinatawad siya ng hari. ‘Ikaw–napakasama mo!’ sabi niya. ‘Pinatawad kita sa utang mo sapagkat nagmakaawa ka sa akin. Nahabag ako sa iyo; hindi ba dapat ka ring mahabag sa kapwa mo?’ At sa galit ng hari, siya'y ipinabilanggo hanggang sa mabayaran niya ang kanyang utang. Gayon din ang gagawin sa inyo ng aking Amang nasa langit kung hindi ninyo patatawarin ang inyong kapatid.”

Ito ang Mabuting Balita ng Panginoon.

B – Pinupuri ka namin, Panginoong Hesukristo.

HOMILIYA

SUMASAMPALATAYA

B – Sumasampalataya ako sa Diyos Amang makapangyarihan sa lahat, na may gawa ng langit at lupa.
Sumasampalataya ako kay Hesukristo, iisang Anak ng Diyos, Panginoon nating lahat. Nagkatawang-tao siya lalang ng Espiritu Santo,
ipinanganak ni Santa Mariang Birhen.
Pinagpakasakit ni Poncio Pilato,
ipinako sa krus, namatay, inililing.
Nanaog sa kinaroroonan ng mga yumao.
Nang may ikatlong araw nabuhay na mag-uli.
Umakyat sa langit.
Naluluklok sa kanan

ng Diyos Amang makapangyarihan sa lahat.
 Doon magmumulang paririto
 at huhukom sa nangabubuhay at
 nangamatay na tao.
 Sumasampalataya naman ako
 sa Diyos Espiritu Santo,
 sa banal na Simbahang Katolika,
 sa kasamahan ng mga banal,
 sa kapatawaran ng mga kasalanan,
 sa pagkabuhay na muli ng nangamatay na
 tao
 at sa buhay na walang hanggan. Amen.

PANALANGIN NG BAYAN

P—Buong pagtitiwala sa kapangyarihang
 magligtas ng mahabaging pag-ibig ng Diyos,
 na lubos na nahayag sa pagkamatay ni Hesus
 sa Krus, ilapit natin sa Kanya ang ating mga
 pangangailangan at manalangin:
 Panginoon, turuan Mo kaming magpatawad.

B —Panginoon, turuan Mo kaming
 magpatawad.

* Para sa Simbahan—ang Santo Papa, si
 Papa Leon XIV, ang mga obispo, pari, at lahat
 ng mananampalataya: nawa’y maging huwaran
 sila ng pag-ibig at pagpapatawad ni Hesus.
 Manalangin tayo. **B.**

* Para sa ating bansa: nawa’y maglingkod
 ang mga pinuno nang tapat at magsikap sa
 tunay na pagkakasundo, upang matugunan ang
 pangangailangan ng lahat, lalo na ng mahihirap
 at napapabayaang. Manalangin tayo. **B.**

* Para sa mga pamilya at mag-asawang
 nanganganib maghiwalay: nawa’y muling mag-
 alab ang pag-ibig at pagpapatawad sa kanilang
 puso, ayon kay Kristong ipinako sa krus.
 Manalangin tayo. **B.**

* Para sa mga maysakit: nawa’y maranasan
 nila ang aliw at kagalingan mula sa Diyos at
 maialay ang kanilang paghihirap kaisa ni Kristo.
 Manalangin tayo. **B.**

P—Ama naming nasa langit, sa pagkamatay
 ng Iyong Anak sa Krus, ipinahayag Mo
 ang kabuuan ng Iyong pag-ibig at awa.
 Ipagkaloob Mo na maipakita namin ang Iyong
 mapagpatawad na pag-ibig, upang makilala Ka
 ng iba sa aming buhay. Hinihiling namin ito sa
 pamamagitan ni Kristo na aming Panginoon.
B —Amen.

PAGDIRIWANG NG HULING HAPUNAN

P — Manalangin kayo . . .

B— Tanggapin nawa ng Panginoon
 itong paghahain sa iyong mga kamay
 sa kapurihan niya at karangalan,
 sa ating kapakinabangan
 at sa buong Sambayanan niyang banal.

PANALANGIN UKOL SA MGA ALAY

P — Ama naming Lumikha,
 maawain mong dinggin ang aming mga pithaya
 at paunlakan mo ang paghahaing aming inihanda
 upang ang mga handog ng bawat isang nagbigay
 para sambahin ang banal mong ngalan
 ay magkamit ng karagdagan mong kasiyahan
 sa pamamagitan ni Hesukristo
 kasama ng Espiritu Santo magpasawalang
 hanggan.

B —Amen.

PREPASYO IV

P —Sumainyo ang Panginoon.

B —At sumaiyo rin.

P —Itaas sa Diyos ang inyong puso at diwa.

B —Itinaas na namin sa Panginoon.

P —Pasalamat natin ang Panginoong ating
 Diyos.

B—Marapat na siya ay pasalamat.

P —Ama naming makapangyarihan,
 tunay ngang marapat
 na ikaw ay aming pasalamat
 sa pamamagitan ni Hesukristo
 na aming Panginoon.
 Siya ay naging kapwa naming maaasahan
 upang may mangunang umako sa pananagutan
 dahil hangad mong magbago ang kinamihasnang
 pagkakanya-kanya ng sangkatauhan.
 Bunga ng pagtitiis, siya ay nanaig
 at ang kamatayan ay kanyang nalupig
 kaya’t siya ang aming daan para aming masapit
 ang iyong tapat at maaasahang pag-ibig.

Kaya kaisa ng mga anghel
 na nagsisiawit ng papuri sa iyo
 nang walang humpay sa kalangitan,
 kami’y nagbubunyi sa iyong kadakilaan:

B — Santo, santo, santo

Panginoong Diyos

ng mga hukbo!

Napupuno ang langit at lupa

ng kadakilaan mo!

Osana sa kaitaasan!

Pinagpala ang naparirito

sa ngalan ng Panginoon!

Osana sa kaitaasan!

PAGBUBUNYI

B –Sa krus mo at pagkabuhay kami’y natubos mong tunay, Poong Hesus naming mahal, iligtas mo kaming tanan ngayon at magpakailanman.

PAKIKINABANG

B – Ama namin . . .

P – Hinihiling namin . . .

B –Sapagkat iyo ang kaharian at ang kapangyarihan at ang kapurihan magpakailanman.

PAANYAYA SA KAPAYAPAAAN

PAGHAHATI-HATI SA TINAPAY

B – Kordero ng Diyos na nag-aalis ng mga kasalanan ng sanlibutan, maawa ka sa amin. (2×)

Kordero ng Diyos na nag-aalis ng mga kasalanan ng sanlibutan, ipagkaloob mo sa amin ang kapayapaan.

PAANYAYA SA PAKIKINABANG

P –Ito si Hesus, ang Kordero ng Diyos na nag-aalis ng mga kasalanan ng sanlibutan. Mapalad ang mga inaanyayahan sa kanyang piging.

B – Panginoon, hindi ako karapat-dapat na magpatuloy sa Iyo ngunit sa isang salita Mo lamang ay gagaling na ako.

ANTIPONA NG PAKIKINABANG

(Ipahahayag lamang kung walang awiting nakahanda.)

Pag-ibig na iyong bigay ay hindi matutumbasan.
Laging ikaw ang kanlungan ng iyong bayang hinirang na ‘yong sinusubaybayan.

(Sal 36, 8)

PANALANGIN PAGKAPAKINABANG

P – Ama naming mapagmahal, ang aming kalooban nawa’y pagharian ng aming tinanggap na pakikinabang upang huwag ang diwa namin ang umiral kundi ang bunga ng pagdiriwang ang laging mamayani sa amin sa pamamagitan ni Hesukristo kasama ng Espiritu Santo magpasawalang hanggan.

B – Amen.

PAGWAWAKAS

P – Sumainyo ang Panginoon.

B – At sumaiyo rin.

P – Pagpalain kayo ng makapangyarihang Diyos: Ama, Anak, at Espiritu Santo.

B – Amen.

P – Naialay na natin ang Banal na Eukaristiya. Humayo kayo at ibahagi ang mga bunga nito sa lahat ng inyong makatagpo.

B – Salamat sa Diyos.

BISPERAS SA Veritas846

(Since 2004)

LISTEN to Bisperas Sa Veritas over **Radio Veritas, 846kHz** every Saturday, 5:00pm to 6:00pm.

You may also watch it **LIVE** through **DZRV 846 Facebook Page**.

Please **LIKE** us @**Bisperas Sa Veritas Facebook Page** where you can watch our past programs, get copies of the program’s inspiring opening prayers, and get latest updates on Church’s concerns.



Bisperas Sa Veritas is brought to you by
Word Media Ministry and Word And Life Publications



**WORD AND LIFE
PUBLICATIONS**

Don Bosco Compound, A. Arnaiz Ave. cor. Chino Roces Ave., Makati, Metro Manila

Postal Address: P.O. Box 1820, MCPO, 1258 Makati, Metro Manila, Philippines

Tel. Nos. 8894-5401; 8475-8945 • Website: www.wordandlife.org

• E-mail: wordandlifepublications@gmail.com • FB: Word And Life Publications

• Editorial Team: Fr. R. De Guzman, J. Lacandazo, V. David, R. Molomog, D. Daguiog

• Illustrations: A. Sarmiento, B. Cleofe • Circulation: R. Saldua